



BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
GRAD SARAJEVO  
**OPĆINA CENTAR SARAJEVO**  
**OPĆINSKI NAČELNIK**

## **P R A V I L N I K**

o administrativnoj evidenciji izrađenih pečata i evidenciji uništenih  
istrošenih i neupotrebljivih pečata  
Općine Centar Sarajevo

Januar, 2009. godine

Na osnovu člana 69. Statuta Općine Centar Sarajevo-prečišćeni tekst ("Službene novine Kantona Sarajevo", broj 23/04) i člana 8. Odluke o pečatima („Službene novine Kantona Sarajevo“, broj 13/98 i 14/02), Općinski načelnik donosi

## **P R A V I L N I K**

o administrativnoj evidenciji izrađenih pečata i evidenciji uništenih istrošenih i neupotrebljivih pečata  
Općine Centar Sarajevo

### **Član 1.**

Ovim Pravilnikom uređuje se nadležnost, postupanje kod izrade pečata, način vođenja službenih evidencija izrađenih, te evidencija uništenih istrošenih i neupotrebljivih pečata Općine Centar Sarajevo.

### **Član 2.**

Ovlašćuje se Služba za opću upravu za provođenje radnji i donošenje nacrtu rješenja o izradi pečata, formiranju komisije za uništenje pečata, te za vođenje potrebnih evidencija, u skladu sa Odlukom o pečatima Općine Centar Sarajevo (u daljem tekstu: Odluka).

### **Član 3.**

Služba za opću upravu pokreće postupak za izradu pečata po zahtjevu pomoćnika načelnika službe za upravu i druge službe u kojoj se ukazala potreba za izradom novog pečata i po završenom postupku donosi nacrt rješenja, te poduzima postupak nabavke, u skladu sa Odlukom i zakonom.

### **Član 4.**

O pečatima Služba za opću upravu vodi službenu evidenciju u posebnim knjigama evidencija, koje se čuvaju trajno i sastavni su dio Liste kategorija registraturnog materijala sa rokovima čuvanja.

Knjige evidencija vode se posebno za evidencije o izrađenim pečatima, te za evidencije o uništenim pečatima.

### **Član 5.**

Knjiga evidencije o izrađenim pečatima sadrži, u kolonama, broj i datum rješenja kojim je odobrena izrada pečata, naziv organa i službe kome je odobrena izrada pečata, broj izrađenih primjeraka pečata, otisak pečata, identifikaciju lica kojem se pečat predaje na upotrebu i korištenje i datum predaje, te sve ostale podatke o rukovanju pečatom, kao i napomenu o nestanku ili uništenju pečata.

### **Član 6.**

Knjiga evidencije o uništenim pečatima za istrošene i neupotrebljive pečate sadrži u kolonama datum uništenja, broj komada pečata, otisak pečata, naziv organa i službe čiji pečati su uništeni i način uništenja, a njen sastavni dio je zapisnik o uništenju.

## Član 7.

Svaka stranica knjige evidencija pečata mora biti obilježena u gornjem uglu rednim brojem stranice i čvrsto uvezana.

## Član 8.

Evidencije pečata u knjigama evidencija vodi za to ovlašteni državni službenik Službe za opću upravu.


Rješenje o ovlaštenju iz prethodnog stava donosi Općinski načelnik na prijedlog rukovodioca Službe za opću upravu.

## Član 9.

Ovaj Pravilnik stupa na snagu narednog dana od dana objavljivanja na Oglasnoj ploči Općine.

Broj: 10-34- 6 / 10

Datum: 12.01.2010 godine



OPĆINSKI NAČELNIK

*Dževad Bećirević*  
Dževad Bećirević